

本草類方卷之四

齒衄第三十九

齒縫出血

人參赤茯苓麥門冬各二錢水鍾煎七分食前溫服日再蘇東坡得此自謂神奇

後生小子多患此病于累試之累如所言。談堊翁試驗方

傷寒齒衄

傷寒嘔血繼而齒縫出血不止用開口川椒四十九粒入醋一盞同煎熟入白礬少

許服之。直指方

齒血不止

生竹皮醋浸令人含之嚼其背上三過以茗汁漱之。千金方

齒縫出血

不止用地龍末枯礬各一錢麝香少許研勻擦之。聖惠方

齒縫衄血

童便溫熱含之立止。聖惠方

本草類方

齒衄

齒縫出血

紫礬乳香麝香白礬等分爲末擦之水漱。衛生易簡方

牙縫出血

不止者五倍子燒存性研細末傳之即止。衛生易簡方

齒縫出血

頭髮切人銚內炒存性研擦之。華陀中藏經

惡血齒痛

五靈脂末米醋魚汁含咽。直指方

齒縫出血

百草霜末擦之立止。集簡方

齒縫出血

胡粉半兩麝香半錢爲末時時擦牙。聖濟方

齒斷出血

不止礬石一兩燒水三升煮一升含漱。千金方

齒疼出血

每夜鹽末厚封斷上有汁瀝盡乃卧其汁出時叩齒勿住不過十夜疼血皆止忌猪

魚菜等極驗

○用后方

牙齦出血有竅寒水石粉三兩朱砂二錢甘草腦子一字爲末乾擦○普濟方

齒縫出血苦參一兩枯礬一錢爲末日三搗之立驗○普濟方

齒縫出血麥門冬煎湯漱之○蘭室寶鑑

牙齒出血不止動搖白痰藜末旦旦擦之○道藏經

牙疼出血胡桐淚半兩研末夜夜貼之或入麝香少許○聖惠方

牙疳出血大鯽魚一尾去腸留鱗入當歸末泥固燒存性入煨過鹽和勻日用○聖惠方

本草類方卷四

血汗第四十

血汗不止

水銀硃砂麝香各等分爲末每服五分用新汲水下。宣明方

九竅出血

荊芥煎酒通口服之直指方

九竅出血

因暴驚而得其脉虛者靈砂三十粒人參湯下三服愈此證不可錯認作血得熱則

流妄用涼藥誤事。楊仁齋直指方

九竅出血

服藥不止者南天竺草卽瞿麥搗指大一

把山梔子仁三十箇生薑一塊甘草炙半兩燈草一小把大棗五枚水煎服。聖濟總錄

九竅出血

不止刺薊搗汁和酒服乾者爲末冷水服。簡要濟衆

本草類方

血汗

三

九竅出血

牆頭苔援塞之。海上方

九竅出血

治人大驚九竅四肢指岐皆出血以水嚥面水井華水也。嘉祐主治

九竅出血

石榴花揉塞之取效葉亦可

皮膚血汗

郁李仁去皮研一錢鶯梨搗汁調下。聖濟總錄

皮膚血澣

出者以煮酒壘上紙扯碎如楊花攤在出血處按之卽止。王璆百一選方

九竅出血

荊葉搗汁酒和服二合。千金方

諸竅出血

人中白一圓雞子大綿五兩燒研每服二錢溫水服。聖惠方

肌膚出血

胎髮燒灰傅之卽止或吹人鼻中。證治要訣

諸竅出血

頭髮敗櫻陳蓮蓬煎燒灰等分每服三錢木香湯下。聖惠方

膚出汗血

五七日不出者川人中白新瓦煨乾入麝香少許溫酒調服立效。經驗方

血汗

本草類方

血汗

四

本草類方卷之四

欬嗽血第四十一

欬嗽吐血

人參黃耆飛羅麴各一兩百合五錢爲末水丸梧子大每服五十粒食前茅根湯下

○朱氏集驗方用人參乳香辰砂等分爲末烏梅肉和丸彈子大每白湯化下一丸

服日一

吐血欬嗽

龍腦薄荷焙研末米飲服一錢取效

喘欬嗽血

欬喘上氣喘急嗽血吐血脉無力者人參末每服三錢雞子清調之五更初服便睡

去枕仰臥只一服愈年深者再服咯血者服盡一兩甚好一方以烏雞子水磨千遍

自然化作水調藥尤妙忌醋鹹腥醬麪鮮醉飽將息乃佳沈存中靈苑方

欬嗽血

痰嗽帶血

青州大柿餅飯上蒸熟批開每用一枚摻真青黛一錢卧時食之薄荷湯下。丹溪

纂要

欬嗽吐血

甚者殷鮮桑根白皮一斤米泔浸三宿刮去黃皮剉細入糯米四兩焙乾為末每服

米飲下一錢

經驗方

心虛嗽血

沉香末一錢半夏七枚入猪心中以小便濕紙包煨熟去半夏食之。燈治要訣

欬嗽有血

小兒胎髮灰入麝香少許酒下每箇作一服男用女用男。朱氏集驗

久嗽唾血

白前桔梗桑白皮三兩炒甘草一兩炙水六升煮一升分三服忌猪肉菰菜。外臺

痰嗽帶血

欬冬花百合蒸焙等分為末蜜丸龍眼大每卧時嚼一丸姜湯下。濟生方

吐血欬嗽

吐血後欬者紫菀五味炒為末蜜丸炙子大每含化一丸。指南方

欬嗽唾血

勞瘦骨蒸日晩寒熱生地黃汁三合煮白粥臨熟入地黃汁攪勻空心食之。食醫

鏡心

吐血欬嗽

熟地黃末酒服一錢日三。聖惠方

本草類方卷四

諸汗第四十二

身熱多汗

胡粉半斤雷丸四兩
爲末粉身。千金方

風熱汗出

水和雲母粉服三錢不
過再服立愈。千金翼

脚底多汗

燒人場上土鋪于鞋底內
蹉之灰亦可。集玄方

陰汗濕痒

密陀僧末傳之。
戴氏加蛇牀子末

陰汗濕痒

枯礬撲之。又泡湯
沃洗。御藥院方

自汗不止

鬱金末臥時調塗
于乳上。集簡方

睡中盜汗

防風二兩芎藭第一兩人參半兩爲
末每服三錢臨臥飲下。易簡方

本草類方

諸汗

自汗不止

防風去蘆為末每服二錢浮麥煎湯服。朱氏集驗方防風用麩炒猪皮煎湯下

一切盜汗

婦人小兒一切盜汗又治傷寒後盜汗不止龍膽草研末每服一錢猪胆汁三兩點入溫酒少許調服

楊氏家藏方

老小虛汗

白米五錢小麥一撮水煮乾去麥為末用黃耆湯下一錢。全幼心鑑

自汗不止

梗米粉絹包頻頻撲之

脾虛盜汗

白朮四兩切片以一兩同牡蠣炒一兩同石斛炒一兩同麥麩炒揀朮為末每服二

錢食遠粟米湯下日三服。丹溪方

心悶汗出

不識人新汲水和蜜飲之甚效。千金方

盜汗陰汗

麻黃根牡蠣粉為末撲之

盜汗不止

太平白芷一兩辰砂半兩為末每服二錢溫酒下屢驗。朱氏集驗方

虛汗無度

麻黃根黃芪等分為末飛麩糊作九梧子大每用浮麥湯下百九以止為度。談華

翁試驗方

盜汗不止

麻黃根椒目等分為末每服一錢無灰酒下外以麻黃根故蒲扇為末撲之。奇效

良方

諸虛自汗

夜卧即甚久則枯瘦黃芪麻黃根各一兩牡蠣米泔浸洗煨過為散每服五錢水二

盞小麥百粒煎服。和濟局方

病後虛汗

口乾心躁熟地黃五兩水三盞煎一盞半分三服一日盡。聖惠方

虛勞盜汗

煩熱口乾用青蒿一斤取汁熬膏入人參末麥門冬末各二兩熬至可九九如梧子

大每食後米飲服二十九
名青蒿煎。聖濟總錄

自汗不止

何首烏末津調封
臍中。集簡方

盜汗不止

熟艾二錢白茯苓三錢烏梅三個水一
鍾煎八分臨卧溫服。通妙真方

寐中盜汗

五倍子末蕎麥麩等分水和作餅煨熟夜
卧待飢時乾喫二三箇勿飲茶水甚妙。

集靈

盜汗不止

洗日以鼓一升微炒香清酒三升漬三日
取汁冷暖任服不瘥更作三兩劑即止

虛汗盜汗

衛生寶鑑用浮小麥文武火炒為末每服
二錢半米飲下日三服或煎湯代茶飲。

一方以豬鬃唇煮
熟切片蘸食亦良

盜汗自汗

每夜卧時待飢喫蒸餅一枚
不過數日即止。醫林集要

夜出盜汗

非根四十九根水一升煮一升頓服○千金方

自汗不止

糯米小麥麩同炒爲末每服三錢米飲下或煮猪肉蘸食

盜汗不止

樹上乾桃子一箇霜梅二箇葱根七箇燈心二莖陳皮一錢稻根大麥芽各一撮水

二鍾煎服

○經驗方

夜出盜汗

麥麩作彈丸空心卧時煮食之次早服妙香散一帖取效

氣虛盜汗

牡蠣粉杜仲等分爲末酒服方寸匕○千金方

出汗不滴

瘦却腰脚并耳聾者米醋浸荆三稜夏四日冬六日爲末醋湯調下二錢卽瘥○經

驗後

方

病後虛汗

及目中流汗杜仲牡蠣等分爲末卧時水服五七不止更服○肘後方

本草類方

諸汗

九